

Сургъульчнр школ тосхлгънд

Элст балгъснд, балгъсна ах поштла зерглăд, гурвн давхр гер тоосхар тосхгдджана. Эн тосхджаснь 450 ормта дундин школин гер. Тосхачнр тер гериг сургъулин шин джил эклтл дуусх даалгъвр авцхав.

Тедн ўгън сăанăр кўцăхд болн даалгъврта кōдлмшиг цагтнь дуусхд хаджугъаснь бас дōнъ кергтă. Элст балгъсна 1-ч дундин школин сургъульчнр эн тосхлтд орлцх болдж шиидвр авцхала. Дōнъ болхин кергт эн школин 8-ч болн 9-ч класин 27 сургъульч негдăд тосхлгъна нег бригад бўрдăв. Тер бригадиг школин багш Сергиенко Надежда Георгиевна гарддж кōдлх болв.

Сургъульчнрас бўрдсн тосхлгъна бригад эклдж дōнъ болад сар болдж йовна. Эн бригад му бишăр кōдлджанă. Одрин дōрвн часд кōдлхин орчд зургъан часд кōдлцханă, эднăс нег чигн кўн кōдлмшăсн дут-

хш, цугъар өрўн болгън цаглагъан кōдлмштăн ирдж, шунлта кевăр кōдлнă.

Кōдлмшин цагла эн школ тосхджасн газрт ирхлă, цуг сургъульчнр шунмгъагъар, ниитă кōдлджăхнь медгднă. Сургъульчнр Антаканов Владимир, Ташнинов Вячеслав, Слизский Геннадий болн Яшкулов Сергей машинăс тоосх булгъад, тер буулгъсн тоосхан газр деер тевкрлдж хураджана, Мединцев Владимир, Гапорт Сергей болн Денисов Владимир школ эргўлăд кеджăх чолун хашан сўўр малтснь ўзгднă, сургъульчнр Арнаева Валентина, Заморина Алла, Чуб Людмила болн Санджиева Валентина раствор суулгъар болн носилкăр зōодж чолучнрт кўргснь ўзгднă.

Сургъульчнрт гардвр өгч йовх школин багш Сергиенко Надежда Георгиевна кōдлмшин цагла негнăснь негнўрнь

оддж заавр өгăд, бас хара бăăхш. Тўрўн хăлăхдм Надежда Георгиевна машинăс тоосх булгъджах улсин өөр бăăлă, дарунь хашан сўўр малтджах кōвўдўр, тендăсн раствор зōоджăсн кўўкдўр одснь ўзгднă.

Уд болад, халун чанъгърад, сўўдр ахрдад ирв. Кōдлджăх улс кōдлмшăн зогсагъад, амрлгъ кех зōвтă болв. Тер цаглань Надежда Георгиевна амтсиг сăн сўўдртă газрт хурагъад, теднд газетăс болн радиогъар сонъссн сўл зăнъг келдж медўлнă.

Прораб Харченко Яков Матвеевич өдр болгън ирдж, бригадин өдртăн кесн кōдлмш эргăд тоолдж диглнă. Сургъульчнр кōдлмшăн чилăгъад хăрх деер, Яков Матвеевич: «эндр өдр йир сăн кōдлвт», «ханджанав», «менд хăрцхăтн» гидж хăрўлнă.